

Na osnovu člana 13. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19), Odbor za dodjelu „Šestoaprilske nagrade Grada Sarajeva“, na sjednici održanoj dana \_\_. \_\_. 2021. godine, donio je

**P O S L O V N I K**  
*o radu Odbora za dodjelu „Šestoaprilske nagrade Grada Sarajeva“  
u 2022. godini  
(prijedlog)*

## I OPĆE ODREDBE

### Član 1.

Ovim Poslovnikom se uređuje djelokrug poslova, način rada, način glasanja i definiše tajnost rada Odbora za dodjelu „Šestoaprilske nagrade Grada Sarajeva“ u 2022. godini (u daljnjem tekstu: Odbor), a u skladu sa Odlukom o uslovima i načinu dodjele „Šestoaprilske nagrade Grada Sarajeva“ (u daljnjem tekstu: Nagrada).

### Član 2.

Svaki član Odbora ima pravo i dužnost da prisustvuje sjednicama Odbora i da ravnopravno učestvuje u njegovom radu.

## II DJELOKRUG POSLOVA KOJE VRŠI ODBOR

### Član 3.

Odbor vrši sljedeće poslove:

- bira Predsjedavajućeg i zamjenika Predsjedavajućeg Odbora,
- usvaja Poslovnik o radu;
- usvaja i upućuje, početkom decembra 2021. godine, Javni poziv o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2022. godini, putem sredstava javnog informisanja i na službenoj stranici Gradskog vijeća Grada Sarajeva, u trajanju od 45 dana;
- usvaja dinamiku održavanja sjednica, a u skladu s dinamikom aktivnosti u pripremi sjednica Gradskog vijeća;
- procjenjuje potpune i blagovremene prijedloge, te utvrđuje liste kandidata koji zadovoljavaju uvjete propisane Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) i Javnim pozivom u pojedinačnim oblastima;
- utvrđuje prijedlog kandidata za dodjelu Nagrade u roku utvrđenom dinamikom pripreme i održavanja Svečane sjednice Gradskog vijeća Grada Sarajeva u povodu 6. aprila - Dana Grada Sarajeva;
- podnosi izvještaj o radu Gradskom vijeću Grada Sarajeva, sa prijedlogom, najmanje, dva prvorangirana kandidata, ako ih je bilo dva ili više, u suprotnom jednog ukoliko je jedan kandidat dobio minimum broj bodova ili ni jednog ako nije dobio nijedan bod, zajedno sa prijedlogom odluke o dodjeli Nagrade, sačinjenom u formi o kojoj se Gradsko vijeće Grada Sarajeva izjašnjava.

## III NAČIN RADA ODBORA

### Član 4.

Odbor radi na sjednicama.

O pripremanju i organizovanju sjednica Odbora stara se Predsjedavajući Odbora.

U slučaju odsutnosti Predsjedavajućeg Odbora, zamjenjuje ga zamjenik Predsjedavajućeg Odbora.

#### **Član 5.**

Prvu sjednicu Odbora saziva Predsjedavajući Gradskog vijeća Grada Sarajeva.

Poziv za prvu sjednicu Odbora upućuje se članovima Odbora pet dana prije održavanja sjednice.

Članovima Odbora se, uz poziv, dostavlja prijedlog dnevnog reda i odgovarajući materijal.

#### **Član 6.**

Odluke Odbora se donose većinom glasova ukupnog broja članova Odbora (7).

#### **Član 7.**

Na prvoj sjednici, Odbor bira Predsjedavajućeg i zamjenika Predsjedavajućeg Odbora.

Predsjedavajući Odbora, odmah, po izboru, preuzima dalje vođenje sjednice Odbora.

#### **Član 8.**

Sjednice Odbora zakazuje Predsjedavajući Odbora.

Poziv za sjednicu Odbora upućuje se članovima Odbora pet dana prije održavanja sjednice. Izuzetno, Predsjedavajući može sazvati sjednicu Odbora u roku kraćem od pet dana, a dnevni red za ovu sjednicu može predložiti i na samoj sjednici.

Članovima Odbora se uz poziv dostavlja i prijedlog dnevnog reda, odgovarajući materijal i zapisnik sa prethodne sjednice.

#### **Član 9.**

Predsjedavajući Odbora predlaže dnevni red sjednice.

Članovi Odbora mogu, na sjednici, predložiti izmjene ili dopune predloženog dnevnog reda, s tim što su dužani da obrazlože svoj prijedlog, o čemu odlučuje Odbor.

Dnevni red sjednice utvrđuje Odbor.

#### **Član 10.**

Odbor radi i punovažno odlučuje na sjednici na kojoj prisustvuje većina članova Odbora.

O toku sjednice vodi se zapisnik.

Zapisnik sadrži osnovne podatke o prisustvu na sjednici, učesnike u diskusiji, zaključke o pitanjima koja su bila utvrđena dnevnim redom i rezultate glasanja.

Zapisnik potpisuje Predsjedavajući Odbora.

#### **Član 11.**

Odbor odlučuje o svim proceduralnim pitanjima, usvaja zapisnike o radu sa prethodnih sjednica i odlučuje o drugim pitanjima iz svog djelokruga, javnim glasanjem na sjednici Odbora.

#### **Član 12.**

Predsjedavajući Odbora stara se o primjeni ovog Poslovnika, izvršavanju zadataka u rokovima utvrđenim dinamikom pripreme i održavanja redovne i Svečane sjednice Gradskog vijeća Grada Sarajeva u povodu 6. aprila – Dana Grada Sarajeva, kao i o ostvarivanju prava i dužnosti članova Odbora.

#### IV POSTUPAK ZA UTVRĐIVANJE KANDIDATA ZA DOBITNIKE „ŠESTOAPRILSKE NAGRADE GRADA SARAJEVA“ U 2021. GODINI SA POSTUPKOM GLASANJA

##### Član 13.

Odbor, na **prvoj sjednici**, usvaja Poslovnik o radu Odbora, utvrđuje dinamiku rada Odbora, usvaja tekst javnog poziva i utvrđuje prijedlog štampanih i elektronskih medija javnog informisanja u kojima će se objaviti javni poziv i dinamiku objave.

##### Član 14.

Stručna služba Gradskog vijeća Grada Sarajeva, članovima Odbora, na **drugoj sjednici**, uručuje materijal sa prijedlozima za kandidate za dodjelu Nagrade s preporučenim rasporedom prijedloga po oblastima za dodjelu Nagrade.

##### Član 15.

Po prijemu kandidatura, Odbor se, na **trećoj sjednici**, određuje o tome da li su kandidati razvrstani prema oblastima kojima pripadaju, odnosno u kojima su dali najveći doprinos ukupnom razvoju Grada Sarajeva ili su svojim djelovanjem doprinijeli promociji Grada Sarajeva.

Ukoliko Odbor ocijeni da predloženi kandidat ispunjava uvjete za neku drugu oblast, Odbor može predložiti da se o njegovoj kandidaturi glasa u drugoj oblasti.

Nakon utvrđivanja konačnog rasporeda prijedloga za kandidate po oblastima: privreda, nauka i obrazovanje, kultura i umjetnost, sport, zdravstvo i socijalna zaštita, i druge oblasti rada i stvaralaštva, Odbor, većinom glasova (sedam), za svakog kandidata pojedinačno, utvrđuje da li je prijedlog podnesen u skladu sa uvjetima propisanim Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 28/19) i Javnim pozivom, odnosno da li je prijedlog podnesen u propisanom roku i da li je potpun.

##### Član 16.

Postupak glasanja, odnosno bodovanja kandidata, uređuje u skladu s članom 22. ovog Poslovnika, a nakon što Odbor usvoji konačan spisak kandidat za koje su pristigle potpune prijave i u propisano roku, i to po oblastima.

##### Član 17.

Odbor, na prijedlog Predsjedavajućeg Odbora, formira Komisiju za brojanje glasova (u daljem tekstu Komisija) sastavljenu od tri člana Odbora. Zadatak Komisije je da izvrši brojanje glasova i podnese Odboru izvještaj.

Članovi Odbora se tajnim glasanjem na za to pripremljenim, i ovjerenim, a nepotpisanim glasačkim listićima, određuju o kandidatima u **drugom krugu glasanja**, u skladu sa ranije usvojenim postupkom.

Komisija za brojanje glasova evidentira ukupan broj bodova za svakog kandidata pojedinačno, te na osnovi tako pridruženih bodova, podnosi izvještaj Odboru na usvajanje. Izvještaj sadrži i rang listu kandidata za svaku oblast posebno.

##### Član 18.

Na osnovi usvojenog izvještaja Komisije, Odbor utvrđuje prijedloge odluka o dodjeli Nagrade za svakog kandidata pojedinačno (uz naznaku da se radi o pojedinačnoj, grupnoj, odnosno kolektivnoj Nagradi), te zajedno sa Izvještajem o radu Odbora, dostavlja Gradskom vijeću na razmatranje i usvajanje.

#### V TAJNOST RADA ODBORA

##### Član 19.

Rad Odbora je tajan.

Potpisivanjem izjave, članovi Odbora se obavezuju na tajnost svih podataka o kandidatima, obavezuju se da ne daju izjave u medije ili preko društvenih mreža, sve do zvanično upućenog prijedloga Gradskom vijeću Grada Sarajeva.

Na prvoj sjednici Odbora, u skladu sa članom 13. stav 1. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajeva“, broj 28/19) članovi Odbora potpisuju izjavu koja glasi: „Pod punom moralnom odgovornošću obavezujem se da ću čuvati u tajnosti sve podatke o predloženim kandidatima, sve do zvanično upućenog prijedloga Gradskom vijeću Grada Sarajeva“.

#### **Član 20.**

Nakon utvrđenih prijedloga kandidata, Predsjedavajući Odbora može izvijestiti javnost o činjenicama, u skladu s posebnim zaključkom Odbora ili Odbor može zadužiti Stručnu službu Gradskog vijeća Grada Sarajeva da, u ime Odbora, uputi saopćenje za medije.

### **VI ZAVRŠNE ODREDBE**

#### **Član 21.**

Stručne, administrativne i druge poslove za potrebe Odbora vrši Stručna služba Gradskog vijeća Grada Sarajeva.

#### **Član 22.**

Za način rada Odbora, odnosno pitanja koja nisu uređena ovim Poslovníkom, kao i druga pitanja od značaja za rad Odbora, Odbor donosi poseban zaključak.

#### **Član 23.**

Izmjene i dopune Poslovníka vrše se na način i po postupku za njegovo donošenje.

#### **Član 24.**

Ovaj Poslovník stupa na snagu danom donošenja.

*PREDSJEDAVALJUĆI ODBORA*

*Nihad Uk*

Broj: 04-GV-02-1483-2/20

Datum: 18.11.2021. godine